



IZVJEŠTAJ O RADU **ZA 2025. GODINU**

**UDRUŽENJE INŽENJERA I
TEHNIČARA ŠUMARSTVA
FEDERACIJE BOSNE I**

**ŠUMARSKO UDRUŽENJE FBIH
UŠIT FBIH**

1. JAČANJE KAPACITETA I UNAPREĐENJE ORGANIZACIJSKE STRUKTURE UDRUŽENJA

Polazeći od Plana rada Šumarskog udruženja FBiH za 2025. godinu, usvojenog na 26. redovnoj Skupštini Udruženja, te uvažavajući odluke i zaključke Upravnog odbora donesene tokom 2025. godine, Udruženje je u izvještajnom periodu provodilo aktivnosti usmjerene na ostvarenje definisanih ciljeva, kako slijedi:

- ✚ Tokom izvještajnog perioda Udruženje je kontinuirano provodilo aktivnosti usmjerene na jačanju vlastitih institucionalnih kapaciteta, unapređenja organizacijske strukture, te aktivno pozicioniranje u procesima kreiranja i unapređenja politika u sektoru šumarstva Federacije Bosne i Hercegovine.
- ✚ Poseban fokus djelovanja bio je na aktivnom učešću u procesima izrade i unapređenja zakonskih i podzakonskih akata iz oblasti šumarstva. U tom kontekstu, Udruženje je kroz stručne rasprave, konsultacije i inicijative dostavljalo primjedbe, prijedloge i konkretna rješenja nadležnim institucijama, s ciljem uspostavljanja funkcionalnog i održivog zakonodavnog okvira. Iako je održano više sastanaka vezanih za izradu prijedloga Zakona o šumama FBiH, u izvještajnom periodu nisu ostvareni značajniji pomaci u formalnoj proceduri njegovog donošenja. Kao odgovor na navedeni zastoj, Udruženje je poduzelo proaktivan pristup, te formiralo Komisiju za izradu nacрта/prijedloga Zakona o šumama FBiH, sastavljenu od stručnjaka iz oblasti šumarstva. Zadatak Komisije je izrada strukovno utemeljenog i primjenjivog zakonskog rješenja koje će biti ponuđeno nadležnim institucijama na razmatranje i dalje postupanje.
- ✚ U cilju unapređenja unutrašnjeg funkcionisanja i donošenja strateških odluka, održana je 26. redovna Skupština Udruženja u Neumu, na kojoj su razmatrana ključna pitanja rada, usvojeni izvještaji i definirani prioriteti za naredni period. Pored toga, kontinuirano su održavani redovni sastanci svih organa Udruženja, čime je osigurana operativnost, koordinacija aktivnosti i pravovremeno donošenje odluka.
- ✚ Realizacijom Operativnog plana rada za 2025. godinu, delegacija Udruženja je provela niz institucionalnih sastanaka sa predstavnicima nadležnih resornih ministarstava na kantonalnom i federalnom nivou, kao i sa predstavnicima lokalnih zajednica i kolektivnih članica. Ovi sastanci imali su za cilj jačanje međuinstitucionalne saradnje, razmjenu informacija, te usaglašavanje stavova o ključnim pitanjima upravljanja šumskim resursima.

- ✚ Udruženje je aktivno učestvovalo u radu Grupacije šumarstva i drvne industrije Privredne komore FBiH, čime je dodatno doprinijelo povezivanju sektora šumarstva i drvne industrije, te unapređenju zajedničkog djelovanja u pravcu razvoja sektora.
- ✚ U segmentu transparentnosti i komunikacije s članstvom, Udruženje je nastavilo sa redovnim ažuriranjem svoje web i Facebook stranice, kroz koje su blagovremeno objavljivane informacije o aktivnostima, projektima i relevantnim dešavanjima u sektoru šumarstva. Time je unaprijeđena informisanost članova i šire javnosti, kao i vidljivost rada Udruženja.
- ✚ Predstavници Udruženja su aktivno učestvovali u javnom prostoru kroz gostovanja u medijima, gdje su ukazivali na ključne izazove u sektoru šumarstva FBiH, posebno na nedostatak adekvatnog zakonskog okvira, pogoršano zdravstveno stanje šuma, te značaj očuvanja šumskih ekosistema. Također su učestvovali u obilježavanju važnih ekoloških datuma, čime je dodatno afirmisana uloga šumarstva u zaštiti okoliša.
- ✚ U izvještajnom periodu nije bilo aktivnosti u radu Savjeta šumarskih udruženja Bosne i Hercegovine (SŠU BiH), što ukazuje na potrebu njegovog ponovnog aktiviranja i jačanja međuentitetske saradnje u oblasti šumarstva.
- ✚ Udruženje je organiziralo i tematske sastanke direktora šumsko-privrednih/gospodarskih društava, na kojima su razmatrana aktuelna pitanja i izazovi u sektoru šumarstva Bosne i Hercegovine, s ciljem usaglašavanja stavova i definisanja zajedničkih inicijativa.
- ✚ Značajan iskorak u međunarodnom pozicioniranju Udruženja ostvaren je prijemom u članstvo Asocijacije Svjetskog prvenstva sjekača. Ovim je omogućeno da predstavnici Bosne i Hercegovine po prvi put učestvuju na ovom prestižnom međunarodnom takmičenju, što predstavlja važan korak u promociji domaćeg šumarstva na globalnom nivou.
- ✚ Udruženje je aktivno učestvovalo na jubilarnoj 10. međunarodnoj konferenciji „Forestry Kupres 2025“, gdje je dalo doprinos razmjeni stručnih znanja i iskustava. Posebno je značajno što je obezbijedeno učešće visokog međunarodnog predstavnika, gospodina Ismaila Belena, predsjedavajućeg Biroa Foruma Ujedinjenih nacija za šume, čime je dodatno unaprijeđen međunarodni značaj događaja.
- ✚ U okviru međunarodne saradnje, predstavnici Udruženja učestvovali su i u aktivnostima JICA projekta usmjerenog na jačanje kapaciteta za smanjenje rizika od katastrofa kroz razvoj Nacionalnog informacionog sistema o šumskim požarima (NFFIS) i primjenu pristupa smanjenja rizika zasnovanog na ekosistemima (Eco-DRR). Ove aktivnosti imaju za cilj unapređenje integrisanog upravljanja u kriznim situacijama i jačanje otpornosti šumskih ekosistema.

- ✚ Jedna od centralnih aktivnosti bila je organizacija manifestacije „9. Šumarijada FBiH – Ajdinovići, Olovo 2025“, koja je okupila veliki broj učesnika iz sektora šumarstva i drvne industrije uz učešće domaćih i inostranih gostiju. Manifestacija je, osim sportskog i takmičarskog karaktera, imala i značajnu ulogu u jačanju profesionalnih veza, razmjeni iskustava i promociji sektora. U okviru Šumarijade organiziran je i stručni panel na temu „Šume – najvažniji prirodni resurs Bosne i Hercegovine“, na kojem su razmatrana ključna pitanja održivog upravljanja šumama.
- ✚ Rezultati šumarskih (sjekačkih) disciplina ostvareni na 9. Šumarijadi FBiH korišteni su kao osnov za selekciju i historijsko učešće trojice prvoplasiranih takmičara na 36. Svjetskom prvenstvu sjekača u Republici Sloveniji, pri čemu se ova manifestacija može posmatrati i kao: “1. Državno takmičenje sjekača u Bosni i Hercegovini”. Prva tri mjesta u sjekačkim pojedinačnim disciplinama osvojili su: 1) Namik Muslimović-ŠPD “Srednjobosanske šume” d.o.o. Donji Vakuf; 2) Ivan Sliško-ŠGD “Hercegbosanske šume” d.o.o. Kupres; 3) Sabahudin Idrizović-JP “Šume TK” d.d. Kladanj.
- ✚ Udruženje je u saradnji sa Šumarskom komorom Republike Turske, organizovalo stručnu posjetu direktora šumsko-privrednih društava Republici Turskoj, s ciljem upoznavanja sa savremenim praksama i razmjene iskustava u oblasti upravljanja šumama.
- ✚ Predstavnici Udruženja učestvovali su na Osmom kongresu Samostalnog sindikata šumarstva, prerade drveta i papira Bosne i Hercegovine, čime je dodatno ojačana saradnja sa sindikalnim organizacijama u sektoru.
- ✚ Konačno, Udruženje je pružilo podršku Akademiji nauka i umjetnosti Bosne i Hercegovine u organizaciji obilježavanja Međunarodnog dana šuma (21. mart), kao i Univerzitetu u Sarajevu – Šumarskom fakultetu u realizaciji Dana otvorenih vrata, čime je doprinijelo promociji šumarstva kao struke i jačanju veze između akademske zajednice i prakse.

2. OSIGURANJE STABILNE FINANSIJSKE KONSTRUKCIJE ZA FUNKCIONIRANJE UDRUŽENJA

- ✚ Tokom izvještajnog perioda Udruženje je provodilo niz aktivnosti usmjerenih na osiguranje stabilne i održive finansijske konstrukcije, kao jednog od ključnih preduslova za kontinuirano i kvalitetno funkcioniranje organizacije, realizaciju programskih aktivnosti i jačanje institucionalnih kapaciteta.
- ✚ U tom kontekstu, izvršeno je potpisivanje i realizacija bilateralnih ugovora o kolektivnom članstvu sa preduzećima iz sektora šumarstva za 2025. godinu, čime je osigurana značajna baza redovnih prihoda. Kolektivno članstvo ostaje jedan od temeljnih finansijskih mehanizama Udruženja, koji omogućava stabilnije planiranje i realizaciju aktivnosti.
- ✚ Zahvaljujući prihodima ostvarenim kroz kolektivne i individualne članarine, kao i kontinuiranom angažmanu članova Upravnog odbora, predsjednika Skupštine i generalnog sekretara, Udruženje je aktivno radilo na finansijskoj konsolidaciji. Ipak, ovaj proces je u određenoj mjeri otežan zbog problema neizmirivanja kolektivnih članarina od strane pojedinih šumsko-privrednih društava, što je direktna posljedica složenog stanja u sektoru šumarstva Federacije Bosne i Hercegovine tokom 2025. godine. Uprkos navedenim izazovima, Udruženje je poduzimalo aktivnosti na unapređenju naplate i očuvanju finansijske stabilnosti.
- ✚ Dodatni izazov u finansijskom poslovanju predstavlja i činjenica da je u novembru 2025. godine Uprava JP „ŠPD ZDK“ d.o.o. Zavidovići donijela jednostranu odluku o raskidu ugovora o članstvu sa Udruženjem, bez dostavljenog obrazloženja. Ovakva odluka imala je direktan uticaj na prihodovnu stranu budžeta Udruženja, te ukazuje na potrebu daljnjeg jačanja partnerskih odnosa i diversifikacije izvora finansiranja.
- ✚ U cilju unapređenja finansijske održivosti i smanjenja ovisnosti o članarinama, Udruženje je intenziviralo aktivnosti na pripremi i realizaciji projekata finansiranih iz eksternih izvora. U tom smislu, uspješno je realiziran projekat „Varijabilnost divlje trešnje (*Prunus avium* L.) u Bosni i Hercegovini“, uz podršku Fonda za zaštitu okoliša FBiH. Projekat je doprinio unapređenju naučno-istraživačkog rada i boljem razumijevanju genetičke raznolikosti ove značajne šumske vrste.
- ✚ Također, realiziran je projekat „Šume i klimatske promjene: Očuvanje ekosistema i biodiverziteta – multidisciplinarni pristup u zaštiti šumskih ekosistema u doba klimatskih izazova“, sufinansiran od strane Fonda za zaštitu okoliša FBiH, u saradnji sa Univerzitetom u Sarajevu – Šumarskim fakultetom. U okviru projekta organizirana je istoimena naučno-stručna konferencija, koja je okupila oko 100 učesnika iz akademske zajednice, institucija i

prakse, čime je dodatno ojačana uloga Udruženja kao relevantnog aktera u oblasti šumarstva i zaštite okoliša.

- ✚ Udruženje je uspješno realiziralo i projekat „Časopis Naše šume“, finansiran u okviru Javnog poziva Ministarstva privrede Kantona Sarajevo – Kantonalne uprave za šumarstvo. Ovaj projekat ima kontinuiran značaj za promociju stručnih i naučnih dostignuća u oblasti šumarstva, kao i za jačanje stručne komunikacije unutar sektora.
- ✚ Posebno značajan iskorak predstavlja realizacija pilot projekta „Digitalizacija u šumarstvu FBiH“, implementiranog u Šumariji Travnik. Projekat je sufinansiran od strane Ministarstva poljoprivrede, vodoprivrede i šumarstva Srednjobosanskog kantona – Kantonalne uprave za šumarstvo. Kroz ovaj projekat započet je proces uvođenja savremenih informacionih sistema u upravljanje šumskim resursima. Udruženje planira nastavak aktivnosti na širenju i implementaciji digitalnih rješenja s ciljem potpune digitalizacije sektora šumarstva u Federaciji Bosne i Hercegovine.
- ✚ U okviru organizacije „9. Šumarijade FBiH – Ajdinovići, Olovo 2025“, Udruženje je osiguralo finansijska sredstva za nagrađivanje pobjednika u šumarskim disciplinama, čime je dodatno motivisano učešće i unaprijeđen kvalitet same manifestacije.

Sve navedene aktivnosti ukazuju na kontinuirane napore Udruženja u pravcu osiguranja finansijske stabilnosti kroz kombinaciju vlastitih prihoda i eksternih izvora finansiranja, uz istovremeno suočavanje sa izazovima karakterističnim za sektor šumarstva u Federaciji Bosne i Hercegovine.

3. UKLJUČIVANJE UDRUŽENJA U AKTUELNA PITANJA U VEZI ŠUMARSTVA, JAČANJE SARADNJE NA NACIONALNOM I MEĐUNARODNOM NIVOU I UNAPREĐENJE ŠUMARSKE STRUKE

- ✚ Tokom izvještajnog perioda Udruženje je nastavilo aktivno djelovanje u cilju jačanja svoje uloge kao relevantnog stručnog i društvenog aktera u sektoru šumarstva, kroz iniciranje i učešće u rješavanju aktuelnih pitanja, te unapređenje saradnje sa domaćim i međunarodnim institucijama i organizacijama.
- ✚ U segmentu institucionalne saradnje na nivou Federacije Bosne i Hercegovine, evidentiran je izostanak aktivnog angažmana članova Udruženja u radu Matične sekcije inženjera šumarske struke pri Inženjerskoj komori FBiH, prvenstveno zbog neaktivnosti same sekcije. Ovakvo stanje ukazuje na potrebu njenog reaktiviranja, s ciljem jačanja profesionalnog organizovanja i zastupanja interesa šumarske struke.
- ✚ Udruženje je u više navrata iniciralo konkretne mjere prema nadležnim institucijama. Federalnoj vladi i Federalnom ministarstvu poljoprivrede, vodoprivrede i šumarstva upućena je urgencija i inicijativa za izmjenu Odluke o načinu prodaje šumskih drvnih sortimenata (ŠDS) porijeklom iz državnih šuma na teritoriji Federacije Bosne i Hercegovine („Službene novine FBiH“, br. 52/09 i 25/10). Cilj inicijative bio je unapređenje transparentnosti, efikasnosti i tržišne orijentacije u procesu prodaje šumskih proizvoda.
- ✚ Također, upućena je inicijativa Federalnom ministarstvu poljoprivrede, vodoprivrede i šumarstva za uvrštavanje nove budžetske stavke – „Subvencija za šumarstvo“ u Nacrt budžeta Federacije BiH za 2026. godinu. Ova inicijativa ima za cilj osiguranje finansijske podrške za uvođenje digitalizacije i savremenih tehnologija u procese planiranja, monitoringa i realizacije aktivnosti u sektoru šumarstva, čime bi se značajno unaprijedila efikasnost i održivost upravljanja šumskim resursima.
- ✚ U cilju jačanja međusektorske saradnje, Udruženje je uputilo zahtjev Federalnom ministarstvu poljoprivrede, vodoprivrede i šumarstva, kao i Federalnom ministarstvu energije, rudarstva i industrije, za organizaciju zajedničkog sastanka sa direktorima šumsko-privrednih društava. Tema sastanka odnosi se na mogućnosti korištenja šumske biomase u energetsom sektoru Bosne i Hercegovine, kao značajnog potencijala za razvoj obnovljivih izvora energije i smanjenje zavisnosti od fosilnih goriva.
- ✚ Na međunarodnom planu, nastavljena je uspješna saradnja sa Generalnom direkcijom za šumarstvo Republike Turske, u skladu sa ranije uspostavljenim partnerskim odnosima i planiranim aktivnostima. Ova saradnja obuhvata razmjenu stručnih znanja, iskustava i dobrih praksi u oblasti upravljanja šumskim resursima.

- ✚ Udruženje je također iskazalo solidarnost i profesionalno jedinstvo upućivanjem telegrama saučešća Generalnoj direkciji za šumarstvo Republike Turske povodom tragične pogibije pilota Hasana Bahara, koji je stradao tokom izvršavanja službenih zadataka gašenja požara u Republici Hrvatskoj.
- ✚ U okviru realizacije projektnih aktivnosti, organizirana je stručna radionica na Šumarskom fakultetu Univerziteta u Sarajevu u okviru projekta „Varijabilnost divlje trešnje (*Prunus avium* L.) u Bosni i Hercegovini“, čime je dodatno ojačana saradnja između naučno-istraživačkih institucija i stručne prakse.
- ✚ Također, u saradnji sa Univerzitetom u Sarajevu – Šumarskim fakultetom, organizirana je naučno-stručna konferencija „Šume i klimatske promjene: Očuvanje ekosistema i biodiverziteta“, u okviru istoimenog projekta sufinansiranog od strane Fonda za zaštitu okoliša FBiH. Konferencija je doprinijela razmjeni znanja i promociji multidisciplinarnog pristupa u zaštiti šumskih ekosistema u kontekstu klimatskih promjena.
- ✚ Udruženje je održavalo kontinuiranu i aktivnu saradnju sa relevantnim organizacijama i partnerima u zemlji, uključujući Samostalni sindikat šumarstva, prerade drveta i papira Bosne i Hercegovine, Savez lovačkih organizacija Bosne i Hercegovine, kao i druge članice PLANFOR platforme. Ova saradnja doprinosi jačanju međusektorskog dijaloga i koordiniranom djelovanju u rješavanju ključnih izazova u sektoru.

Na kraju, Udruženje potvrđuje svoju opredijeljenost za daljnje jačanje saradnje sa svim relevantnim subjektima u oblasti šumarstva, kako na nacionalnom tako i na međunarodnom nivou. Kroz partnerski i proaktivan pristup, Udruženje nastoji doprinijeti očuvanju šumskih resursa, unapređenju održivog razvoja sektora šumarstva i drvne industrije, te kontinuiranoj promociji šumarske struke u javnosti.

4. IZDAVAČKA DJELATNOST, STRUČNI RADovi, OBRAZOVANJE, SEMINARI I SAVJETOVANJA

U izvještajnom periodu Udruženje je nastavilo kontinuirane aktivnosti u oblasti izdavačke djelatnosti, stručnog i naučnog rada, te unapređenja obrazovanja i stručnog usavršavanja kadrova u sektoru šumarstva. Ove aktivnosti predstavljaju jedan od ključnih stubova djelovanja Udruženja, s ciljem jačanja stručnih kapaciteta, promocije naučnih dostignuća i unapređenja ukupnog kvaliteta šumarske struke.

- ✚ U okviru izdavačke djelatnosti, realizirano je štampanje redovnih, kao i zaostalih brojeva časopisa „Naše šume“, čime je osiguran kontinuitet njegovog izlaženja. Iako je evidentno smanjenje broja stručnih priloga dostavljenih iz operativne prakse (sa terena), kontinuirano se bilježi stabilan priliv naučnih i stručnih radova iz akademske i istraživačke zajednice. Ovakav trend ukazuje na potrebu dodatnog motiviranja stručnjaka iz prakse za aktivnije uključivanje u publikovanje radova, kako bi se osigurala bolja povezanost teorije i prakse.
- ✚ U cilju održavanja visokog kvaliteta sadržaja i unapređenja uređivačke politike, redovno su održavane online i fizičke sjednice Redakcijskog odbora časopisa „Naše šume“. Na ovim sjednicama razmatrani su pristigli radovi, unapređivani standardi recenzentskog postupka, te planirane buduće tematske cjeline časopisa.
- ✚ Pored izdavačkih aktivnosti, Udruženje je kroz svoje projekte i saradnju sa akademskim institucijama učestvovalo u organizaciji stručnih skupova, radionica i savjetovanja, čime je omogućeno kontinuirano stručno usavršavanje članstva i razmjena znanja između nauke i prakse. Ove aktivnosti doprinose razvoju kompetencija kadrova u sektoru šumarstva, te jačanju kapaciteta za odgovor na savremene izazove, uključujući klimatske promjene, zaštitu biodiverziteta i održivo upravljanje šumskim resursima.
- ✚ Sve navedene aktivnosti potvrđuju opredijeljenost Udruženja da kroz izdavačku djelatnost, naučno-istraživački rad i organizaciju stručnih događaja kontinuirano doprinosi razvoju i afirmaciji šumarske struke u Bosni i Hercegovini.

5.STRUČNE EKSKURZIJE I MEĐUNARODNA SARADNJA

- ✚ U izvještajnom periodu Udruženje je nastavilo razvijati i jačati međunarodnu saradnju, te organizirati i učestvovati u stručnim ekskurzijama, skupovima i manifestacijama od značaja za razmjenu znanja, iskustava i dobrih praksi u oblasti šumarstva. Ove aktivnosti doprinose internacionalizaciji djelovanja Udruženja, unapređenju stručnih kapaciteta članstva, te promociji šumarstva Bosne i Hercegovine na međunarodnoj sceni.
- ✚ Kontinuirana saradnja sa Generalnom direkcijom za šumarstvo Republike Turske i TIKA-om (Turska agencija za saradnju i koordinaciju) nastavljena je kroz redovnu komunikaciju i razmjenu informacija o potencijalnim zajedničkim projektima i aktivnostima. Poseban značaj ima održani sastanak sa generalnim direktorom šumarstva Republike Turske u Ankari, na kojem su razmatrane mogućnosti produbljivanja institucionalne saradnje, transfera znanja i implementacije zajedničkih inicijativa.
- ✚ Udruženje je podržalo i omogućilo učešće bosanskohercegovačkog tima šumara na 56. EFNS-u (European Foresters' Nordic Ski Championships), koji je održan u periodu od 9. do 15. februara 2025. godine u mjestu Nové Město na Moravě u Republici Češkoj. Ovaj događaj predstavlja značajnu platformu za povezivanje šumarskih stručnjaka iz Evrope kroz sportske i stručne aktivnosti. Također, predstavnici Udruženja učestvovali su i na jesenjoj sjednici EFNS-a u mjestu Forni Avoltri, Italija, gdje su razmatrana pitanja organizacije budućih susreta i unapređenja saradnje među članicama.
- ✚ U okviru međunarodnih takmičenja i promocije struke, započete su pripreme bosanskohercegovačkog tima za učešće na 36. Svjetskom prvenstvu sjekača, koje će se održati u Šentjerneju (Republika Slovenija) 2026. godine. Ove aktivnosti imaju za cilj jačanje tehničkih vještina, promociju šumarskih zanimanja i afirmaciju domaćih stručnjaka na međunarodnom nivou.
- ✚ Paralelno s tim, pokrenute su aktivnosti na organizaciji stručnih posjeta Republici Turskoj, koje će omogućiti članovima Udruženja upoznavanje sa savremenim pristupima upravljanju šumama, primjenom novih tehnologija i institucionalnim modelima organizacije sektora šumarstva.
- ✚ Predstavnici Udruženja učestvovali su i na Istanbul Forestry Innovation Week (IFIW), međunarodnom događaju u organizaciji Generalne direkcije za šumarstvo Republike Turske, koji je okupio više od 360 eksperata iz 75 zemalja svijeta i oko 30 međunarodnih organizacija. Učešće na ovom skupu omogućilo je razmjenu iskustava u oblasti inovacija, digitalizacije i održivog upravljanja šumskim resursima.
- ✚ Udruženje je organiziralo učešće svog članstva na 56. međunarodnom sajmu „Lov i ribolov“ u Novom Sadu, održanom u septembru 2025. godine, čime je omogućeno praćenje savremenih trendova u oblasti lovstva, ribarstva i prateće opreme, kao i jačanje regionalne saradnje.

- ✚ U izvještajnom periodu nije ostvareno učešće na sastanku Evropske šumarske mreže u Švedskoj 2025. godine, što predstavlja prostor za unapređenje budućeg međunarodnog angažmana Udruženja.
- ✚ Na nacionalnom nivou, Udruženje je koordiniralo aktivnosti na organizaciji sastanka između Samostalnog sindikata šumarstva, prerade drveta i papira Bosne i Hercegovine i direktora šumsko-privrednih društava, s ciljem razmatranja pitanja kolektivnih ugovora i unapređenja radno-pravnog položaja zaposlenih u sektoru.
- ✚ Također, organiziran je prijem i stručna posjeta članova Hrvatskog šumarskog društva (HŠD Zagreb – ogranak Zagreb) u Sarajevu, u saradnji sa Univerzitetom u Sarajevu – Šumarskim fakultetom. Ova posjeta doprinijela je razmjeni stručnih iskustava, jačanju regionalne saradnje i uspostavljanju novih oblika partnerskih odnosa.

Sve navedene aktivnosti realizirane su u uslovima značajnih finansijskih ograničenja, uzimajući u obzir složenu ekonomsku situaciju u Bosni i Hercegovini i izazove prisutne u sektoru šumarstva. Uprkos tome, Udruženje je pokazalo visok nivo angažmana i sposobnost da, kroz racionalno upravljanje resursima i partnerski pristup, osigura kontinuitet međunarodne saradnje i stručnog usavršavanja svojih članova.

Upravni odbor
Udruženja inženjera i tehničara šumarstva
Federacije Bosne i Hercegovine